

豫

章

策

書

第一八七册

寧都曾侍郎二謙有才子曰傳燈字庭聞傳燦字青
藜兄弟皆雄駿自命負文武大略而其行藏則少異
庭聞脫屣越嶠挾書劍攜妻妾走絕塞數千里行不
齎糧俄而試鎖院登天府簪筆荷橐取次在承明著
作之庭青藜與其徒退耕于野衣襤褸量晴雨者六
年于此襤褸破下估舡出游吳中褐衣席帽挾策行吟
質質然來老書生也庭聞之詩朝而紫塞夕而朱邸
涼州之歌曲與凝碧之管絃繁聲入破奔赴交作于
行墨之間吾讀之如見眩人焉如觀振童焉耳目回
易而不自主也青藜則以其詩爲詩晤言什之永漢

五之其思則黍離麥秀也其志則天問卜居也夷考
彭氏詩史章貢之役青藜年才二十獨身摶拄潰軍
眇然一書生如灌將軍在梁楚間旋觀其詩求其精
強剽悍之色瞥然已失之矣爲掩卷太息者久之吾
向讀范史馬伏波在壺頭中病困臥每聞升險鼓譟
輒強起曳足觀之每笑其老憊不知止徒念生平少
游語也老而閱內典緊那羅王奏樂須彌崛峨大迦
葉如小兒舞戲不能自持然後知習氣瓮重不克湔
除伏波之老病技癢無足怪也今余旣螢乾蠹老歸
向空門讀青藜之詩而求問其往事楚炬秦灰沈沙

折戟爲之歔歔煩醒心蕩而不自已伏波之叟足與
迦葉之起舞與余固不能以自定也知我者亦爲之
三歎而已矣天之生才以有爲也青藜兄弟固不應
長爲旅人爲農夫自時厥後其事業當與其言俱立
余倘不死他日與寓目焉心灰漏盡知不復作迦葉
起舞狀更以諗青藜兄弟追念平生視文淵少游何
如也歲在己亥夏六月十八日虞山蒙叟錢謙益序

余甫踰弱冠聞江右曾子青藜與其伯氏庭聞暨易
堂諸子以詩文氣節相切劇心竊慕之已而晤庭聞
于湖上又二十餘年易堂諸子相繼凋謝因念青藜
齒髮日暮故願見之心亦與年而俱積康熙丁卯冬
旅食會城青藜忽投刺見訪初疑姓氏偶同及相見
握手大喜繼以古文詞見質且屬爲序余塵事雜沓
日把卷肩輿中側弁而哦至手口交倦猶不能置夫
古文詞至今日而極盛亦至今日而漸衰明季文割
裂雕繪盡掩性靈讀之氣噎近代一變爲大家之文
然摩杪于神髓間枵然無物譬若塵飯土羹固不足

以汙匕箸而欲飲水以終飽焉得乎青藜文清真淡
泊如其爲人而磅礴與酣牢籠萬家讀其上論古人
及盱衡時事成敗得失之故不啻洞若觀火至于友
朋存歿之際纏綿淒惻區畫周詳苟息所謂死者復
生生者不愧其言惟青藜庶足當之耳余向讀庭聞
之文精悍射眉宇而青藜復深以學問之氣信乎其
不易及也已青藜又曰年來以貧窶故寄人幕下往
往代爲屬草丈夫七尺軀何至以臂指供人驅使故
盡棄其藁不復存嗟夫才如青藜天故靳其名位竟
以偃蹇終老卽文章一道猶不使之得自行其胸臆

良可嘆也余性強項自一二知己外從不欲以捉刀
見待然檢篋中所存大半皆贈送敘述之作以視臂
指供人驅役者相去寧有咫哉遂太息而弁其端新
定弟毛際可撰

詩餘爲詩之別派與樂府歌曲爲原流者也詩之義
不專主于怨而非怨者不能工其說蓋莫詳于六一
居士之論梅聖俞也至詩餘則作者大率多出于春
花秋月閨房怨恨之辭諸如東野之寒閨僊之瘦梅
翁之清絕使屈而爲之或反有骨彤牙孽之病故予
常欲反居士之言謂必達者而後工也如余所心喜
晏同叔寇平叔歐陽永叔之詞是也然秦淮海辛稼
軒或以處身流俗憂時憤切而皆領裏詞場世終以
爲詞之最工者蓋亦自怨生余友曾青藜則非有二
人之遇者其所爲詩餘工妍綽約亦多近晏寇歐陽

諸家至其悲怨之音蓋往往有焉余乃謂詩詞皆有自然之歎曲得之于心者應之于手口雖作者不得而自知苟以其窮達而實其工拙之所在無有是處也且夫天下有可怨者不必在饑寒困阨之所遭方晏寇諸公所作怨恨等詞必有以寫其中之難言而道宜其湮鬱其于花月之形容閨房之情致毋亦在有意無意之間而已豈必盡達者之言耶余觀青藜之詞其意蓋復如是恐世以其遇之未必窮而遂悅其詞漫焉不復覽其意故爲叙之如此易堂友兄邱

六松草堂何取其僅六松焉而草堂適陰是以名大
天地之大川嶽之廣鳥獸蟲魚草木之繁而以六松
名其間是藩籬天地也余見夫奇草嘉卉倏而榮矣
雕櫺刻棟文題之屬倏而爲墟矣昔之喬木環山青
蔥而鬱勃者亦倏而童矣六松獨挺然與人之富貴
貧賤死生患難相推移而不衰豈其中亦有故焉存
乎否耶余幸六松之獨存而私之又懼六松之不爲
余所私而亟亟以名之也遂繫以詩六松老人止山
自叙

此詩序舊作集序非是卷中無其詩仍錄存集端

以見六松堂之所由名也

八松堂詩文集目錄

卷之一

雜言

卷之二

五言古

卷之三

七言古

卷之四

五言律

卷之五

五言律

卷之六

七言律

卷之七

七言律

卷之八

五言排律

卷之九

五言絕

七言絕

卷之十

詩餘

卷之十一

論

書

卷之十二

序

卷之十三

引

跋

書後

說

記

祭文

墓誌銘

卷之十四

尺牘

六松堂詩集卷一

寧都曾 燦青藜著

雜言

維石九章

維石昂霄維天沈寥之子于室相彼綢繆

迷寥切

石則昂霄天則沈寥之子于室心則切切豈曰切切

我有父母也劬勞

豈繫無父豈繫無母豈無父母曷瓶是沮

父母云何維鞠維育邦之瘁矣罹此凶鞠罹此凶鞠

終焉煢獨

邦之瘁矣惟此鞠凶古之聖人移孝作忠豈翅不能
忠母則依於舅父則托諸朋

蓬

陟彼岵岵言采其薇采其薇矣亦孔之悲彼飛者隼
載集于枝永完巢兮何招尤

夷兮

天蒼蒼兮石昂昂兮我有父母兮不可徜徉兮瞻彼
首陽兮弟與兄

荒兮

露則霜只草則黃只父母哀只不可忘只予心傷只
南山歧歧白雲飄飄也

依稀

瞻彼周道荆棘其基父兮

母兮曷將疇依心紆軫兮惟名節之不可虧

坤銘